

10803

Կ. ԽԱՆԶԻՆ

Խ-34

ՊԱՏԱՆԻ ՊԻՈՆԵՐՆԵՐԻ
ԿՈՄՈՒՆԻՍՏԱԿԱՆ
ԴԱՍՏԻԱՐԱԿՈՒԹՅԱՆ
ՀԻՄՆԱԿԱՆ ՄԵԹՈԴՆԵՐԸ

ՆԸ 30 ԿՐԿ.

ՅԿԻՈՂ

Խ-26

ՊԵՏՅՐԱՏ

ՅԵՐԵՎԱՆ

1933

3K607

10803

ՀՀ Ազգային գրադարան



NL0182961

12-26

В. ХАНЧИН
Основные методы
Коммунистического воспитания
юных пионеров

Госиздат ССР Армении
Эривань 1933



36753-62

դատ. խմբագիր՝ Ս. Սարգսյան
Թարգմ. Վ. Թերզիբաշյան
Եր. խմբ. Գ. Զեմյան
Սրբազրիչ՝ Հ. Ստոնիկյան
անձնված է արտադրության 9 հունիսի 33 թ.
Ստորագրված է տպելու 5 ոգոստոսի 33 թ.

Պետերատի Տպարան, Գլավլիտ № 8197 (թ), Հրատ. № 2626
Պատվեր № 1509, Տիրամ 1000

6.05.2013

08 DEC 2008

24 SEP 2006

I. ԴԱՍՏԱԿԱՐԳԱՅԻՆ ԴԱՍՏԱՎԱՐԱԿՈՒԹՅԱՆ ՀԱՄԱՐ

«Ապագաակարգային» դաստիարակության
առաջադր

Ահա մի քանի բնորոշումներ դաստիարակու-
թյան նպատակի մասին: Առաջինը-«նպատակն է
դաստիարակել որինակելի քաղաքացի», յերկրոր-
դը-

«Ներդաշնակ կերպով զարգացնել յերեխայի
Փիղիկական և հոգեկան ուժերը»: Բավարարում են
ձեզ արդյոք այս բնորոշումները: Իհարկե, վոչ, վո-
րովհետև թե՛ մեկի և թե՛ մյուսի մեջ չկա հիմնական
տարրը-դասակարգայնությունը:

«Նպատակն է դաստիարակել որինակելի քա-
ղաքացի»: «Որինակելի քաղաքացի» հասկացողու-
թյունը կարելի չէ ըմբռնել ինչպես վոր ուզես:
«Ներդաշնակ կերպով զարգացնել Փիղիկական և
հոգեկան ուժերը»: Ի՞նչ բանի համար, ի՞նչ նպա-
տակով: Ի՞նչ բանի յեն ծառայելու այդ ուժերը:
Ինչպես տեսնում ենք այս կրթական բնորոշում-
ները անտեսում են դասակարգային ելուժյունը:

Սակայն հենց այս հանգամանքը մերկացնում
է այդ բնորոշումների հեղինակներին դասակարգա-
յին դեմքը: Ո՞վ է առհասարակ քողարկում իր նր-
պատակներին դասակարգայնությունը: Բուրժու-

աղիան: Դժվար չէ հասկանալ, ինչո՞ւ: Յերբ մի
բուր կապիտալիստներ, լցնելով իրենց գրպանը,
խեղդում են միլիոնավոր աշխատավորների, ապա
նրանք պետք է թաղցնեն, ստիպված են թաղցնել
իրենց իմեական նպատակները: Հո՛ւ նրանք չե՞ն
խոստովանելու, վոր իրենց զավակներին աղաներ
են դաստիարակում, իսկ պրոլետարիատի յերեխա-
ներին դաստիարակում են ստրուկներ իրենց զավակ-
ներին համար:

Այդ ակներե բուրժուական ձեակերպումները
դուք կարող եք գտնել չառ պատկառելի մանկա-
վարժների զրքերում և մանկավարժական այն գրքե-
րում, վորոնցով դաստիարակվել է ներկա դպրոցի
մանկավարժների մեծամասնությունը:

Հարց տանք մեզ, հնարավո՞ր է արդյոք վոչ
դասակարգային դաստիարակություն, հնարավո՞ր
է արդյոք վոչ քաղաքական-ապաքաղաքական
դաստիարակություն: Վո՞չ, հնարավոր չէ: Դասա-
կարգային հասարակության մեջ դաստիարակու-
թյունը նույնպես դասակարգային է: Դասակար-
գերը պայքարում են քաղաքական իշխանություն
ձեռք բերելու համար:

Բուրժուազիան քողարկում է այդ, վերևում
մենք տեսանք, թե ինչու բանվոր դասակարգը կա-
րիք չունի թաղցնելու դաստիարակության դասա-
կարգային նպատակները: Այդ նպատակները պայ-
ծառ և բացահայտ կերպով արտահայտված են թե-
կուզ պատանի պիոներների որենքներում: Վերցնենք
որինակ այս որենքը. «պիոները ձգտում է ուսման

և ոգնում է ուրիշներին սովորելու»—այստեղ դրված
է վերջակեա, բայց որենքը դրանով չի վերջա-
նում. «գիտությունը և հմտությունը ուժ են բան-
վորական գործի համար մղված պայքարում»:
Եշտեղում է վոչ պարզապես գիտություն, վոչ
պարզապես ունակություն, այլ գիտություն և
ունակություն վորպես ուժ բանվորական գործի
համար մղվող պայքարում:

Մի այլ որենք. «պիոները պատրաստվում է
դառնալ անձնվեր մարտիկ բանվոր դասակարգի
շահերի պաշտպանության համար, սոցիալիզմի
համար»: Ուշադրություն դարձրեք—«պիոները
պատրաստվում է դառնալ վոչ թե անձնվեր մարտիկ
սոհասարակ, այլ մարտիկ «բանվոր դասակարգի
շահերի պաշտպանության համար, Սոցիալիզմի
համար»:

Մենք ընդգծում ենք դաստիարակության դա-
սակարգային ելությունը, մենք ընդգծում ենք
մեր քաղաքական նպատակները:

Վերականգնման շրջանում, չերբ սոցիա-
լիստական տարրերը ուժեղացնում են իրենց հար-
ձակումը կապիտալիստական տարրերի վրա, վեր-
ջիններս, բնական է, դիմադրություն են ցույց տա-
լիս, հակահարված են կազմակերպում, կուլակը,
նեպոմոնը և նրանց իդեոլոգները զգալով իրենց կո-
րուստը արհասարակ դիմադրություն են ցույց
տալիս սոցիալիզմի վճռական հարձակմանը: Սրբ-
վում է դասակարգային պայքարը: Սրբվում է նաև
այնպես է որվել դասակարգային պայքարը, վոր

դաստիարակութեան դասակարգային մոմենտը պետք է առանձնապէս շեշտել, հատկապէս ըզզծել:

Այսօրվա դասակարգային պայքարը արտա-հայտվում է միջ միայն կուլակի դեմ, կուլեկտիվաց-ման համար մղված պայքարում, այլ և թափանցում է մյուս բնագավառները: Վերջերք որինակ գիտու-թեան բնագավառը—այնտեղ նույնպէս պայքար է տեղի ունենում: Գյուղատնտեսական շատ «գի-տուն» և «հմտալից» գրքերում գրված է, վոր գյուղատնտեսութունը «իր բնութեամբ» չի կարող լիովն լինել, այլ կարող է լինել միայն մանր և պետք է ասել, վոր-այդ մանրամասն «հիմնավոր-վում» է տեսականորեն: Դուք տեսնում եք, վոր այդ «թեորիան» ամբողջապէս ներկայացնում է քաղաքական վորոշ գիծ—«գյուղատնտեսութունը կարող է միայն լինել մանր և անհատական: Մենք չախջախեցինք այդ «թեորիան» գյուղատնտեսու-թեան զարգացման փաստերով վերջին տարվա ընթացքում:

Նույնը կարելի չէ տեսնել նաև մանկավարժու-թեան բնագավառում: Վերցնենք թեկուզ 1929 թվին հրատարակված «Գաստիարակութեան սոցիոլոգիա» անունով գիրքը: Այդ գրում է մի մարդ, վոր հա-վանութուն ունի մարքսիստ կոչվելու: Նա ասում է.—«Երեխաները չունեն դասակարգային փորձ»:—Հիշեցեք ձեր մանկութունը—հասկանում ե՞ք յիք դուք այն ժամանակ, թե ի՞նչ է նշանակում հարսուտ, աղքատ և այլն: Իհարկէ հասկա-նում եյիք և նույնիսկ զգում եյիք ուժեղ կերպով:

Դասակարգային պայքարի սրման մոմենտին ժենք առանձնապէս ուշադիր պետք է հետեւենք, թե ի՞նչ է անում դպրոցը: Պիոներական կազմա-կերպութեանները վրա բնկնում է շատ մեծ պա-տասխանատվութիւն—չե՞ք վոր նա մանկական մասսայի կոմունիստական ավանգարդն է, կոմ-յի րիտմիտութեան ոգնական ուժը:

Ներկա մոմենտին մենք բացառիկ ուժով պետք է շեշտենք դասակարգայնութիւնը առհասարակ մասսաների դաստիարակութեան, մասնավորապէս երեխաների և հատկապէս պիոներների դաս-տիարակութեան գործում:

Մենք նայում ենք ապագային

Ինչպե՞ս պետք է նայենք մենք պիոներական կազմակերպութեան դաստիարակութեան վրա: Դեռ 10 տարի առաջ կենինն ասել է,—վոր այն ռեբուկը, վորը այժմ (այսիսիսին՝ այն ժամանակ) 15 տարեկան է, կտեսնի սոցիալիզմը: Մենք տեսնում ենք, վոր այդ ժամանակը շատ և շատ մոտիկ է. Մենք կառուցում ենք սոցիալիզմ, մենք կտեսնենք նրան, մենք կապրենք նրանում: Նշանակում է, վոր այդ պետք է լինի մեր ուղեգիծը:

Արդեն այժմ մենք ունենք այդ նոր կյանքի ա-ռանձին նշանները: Որինակ, կոմունիստական մանկավարժութեան տեսակետից գիտեցեք մեր կյանքի մի շարք ամենահետաքրքիր յերևույթ-ները:

Բանվորական բրիգադները գնում են գյուղ: Այստեղ մենք տեսնում ենք միանգամայն նոր,

չտեսնւիւած յերեւոյթ—գործարանային աշխատանքի միացումը դյուղատնտեսական աշխատանքի հետ, դա պոլիտեխնիզմի գլխավոր տարրերից մեկն է: Յեթե բանվորը առաջ չլիցքավւած էր իր մեքենային և գիտեր միայն իր վորոշ պրոֆեսիան, իսկ մյուս բաներից տեղեկութիւն չունէր, ապա այժմ այդ դադգյահի բանվորը գնում է աշխատելու դյուղատնտեսութեան մեջ և հետո վերադառնում է իր դադգյահի մօտ, այսինքն՝ նա այլևս «միատեխնիկ»—մոնոտեխնիկ չէ, այլ «բազմատեխնիկ»—պոլիտեխնիկ:

Եւրիշ մոմենտ. կազմակերպւում են գործարան—տեխ. բուհեր, այսինքն գործարաններ, վորոնք միաժամանակ լինելու յեն տեխնիկական ուսումնական հիմնարկները: Սա ել ամէլի նշանակալից յերեւոյթ է, իսկական պոլիտեխնիզմի գլխավոր տարրը: Այդ վկայում է, վոր ջնջւում է մտավոր և ֆիզիկական աշխատանքի միջև յեղած տարբերութիւնը, այն աշխատակութիւնը, վորը ծնունդ է տուել և սնւում է բուրժուական հասարակութեան ծոցում:

Յեթե մենք խոսում ենք պոլիտեխնիկական դաստիարակութեան մասին, ապա մենք խոսում ենք նաև բազմակողմանի կրթութեան մասին: Իհարկէ, բազմակողմանի զարգացումը չի նշանակում, վոր մարդը պիտի գիտենա ամեն ինչի մասին, բայց հիմնավոր կերպով վոչինչ: Սակայն ունենալով, այսպէս ասած, մասնագիտութիւն, մարդը կունենա նաև ընդհանուր լայն ծանոթութիւն

ընդհանրապէս կուլտուրայի ամբողջ հարստութեան հետ: Սոցիալիստական հասարակութեան մեջ կիրականան անգլիացի բնագետ Հեֆսլիի շտաբերը «գիտենալ վորոշ բան ամեն ինչի մասին և ամեն ինչ՝ վորոշ բանի մասին»:

Որինակի համար վերցրեք սոցիալիստական մրցումը: Հայտնի յէ, վոր յերբ Սորհուրդները գինւած ուժով ճնշելու միտքը, ջուրն ընկալ, խելոք բուրժուան իր հույսը դրեց այն բանի վրա, թէ Սորհրդային իշխանութիւնը կընկնի ինքն իրեն, մղիչ ուժ, խթան չի լինի արտադրական ուժերի զարգացման համար (իհարկէ նա միաժամանակ չէր հրաժարւում ինտերվենցիայի մտադրութիւնից): Բուրժուայի գլխում չի կարող տեղ գտնել այն միտքը, թէ քացի կոնկուրենցիայից կարող են լինել միանգամայն տարբեր, ամէլի ուժեղ խթաններ զարգացման համար: Բուրժուական կարգերում վորոնք են կուլտուրան, տեխնիկան, արտադրողական ուժերն առաջ մղող խթանները: Կոնկուրենցիան և քաղցր: Մենք չենք կարող կոնկուրենցիան զարմնել զարգացման մղիչ: Կոնկուրենցիան այն կռիւն է, վորից մեկը չահում է, մյուսը կորցնում, մեկը՝ հարստանում, մյուսն՝ աղքատանում: Մենք չենք կարող գնալ այդ ճանապարհով: Մենք ունենք բոլորովին այլ ուղի, վոր յույց է ամէլ Լենինը, և այդ ուղին արդեն ստուգւում է գործնականում, դուք լավ գիտեք այն դա սոցիալիստական մրցումն է: Մենք ունենք հարմարային բրիգադներ, մենք ունենք արդեն հար-

վածային ցեխեր և նրանք զառնում են կոմունիստական ցեխեր, կոմունիստական գործարաններ: Յեվ այդ ցեխերն ու գործարանները նոր ձևով են դաստիարակում մարդկանց:

Ամեն ինչ կերպարանափոխվում է, վերակառուցվում նոր ձևով: Մարդիկ կերտում են սոցիալիզմ, սոցիալիզմը կերտում է նոր մարդկանց:

Նոր կյանքի այս բոլոր նախանշանները բաց են անում այն ապագայի, վարագույրը, վորի համար մենք պայքարել ենք, պայքարում ենք և այսուհետև ել կպայքարենք:

Յերեսաների դաստիարակության գործը մենք պետք է կառուցենք, ուղղությունը պահելով դեպի այդ նոր կյանքը, դեպի ապագան, կապելով այն ախորժապ խնդիրների հետ:

Ո՞ւմն եմք դաստիարակելու մեմբ

Ուրեմն ո՞ւմ ենք դաստիարակում մենք: Կարձասելով, մենք պետք է դաստիարակենք կոմունիստներ: Ի՞նչ է նշանակում այդ: Փորձենք մանրամասն պարզել այդ հարցը, վորովհետև կոլվարընոր մանկավարժը հատկապես լավ պիտի իմանա այդ

Կոմունիստ դաստիարակելը նշանակում է դաստիարակել յենինյանի, բանվոր դասակարգի շահերին նվիրված և նրա համար կռվելու միշտ պատրաստ, իր առաջ բացվող պայքարի ուղին գիտակցող հաստատակամ մարդու: այդ նշանակում է յերեսային տալ հեռանկար: Ինչի՞ց են առաջանում այլասերման անկման յերևույթները:

Հեռանկար չունենալուց, սոցիալական լայն նպատակների բացակայությունից, նպատակներ, վորոնք կարողանային գրավել մարդուն և մասնակից դարձնել հասարակական կյանքին: Հենց այստեղ է այլասերման արմատը: Չկա. ավելի գրավիչ հեռանկար, քան նոր կյանք կառուցելու գործը: Սոցիալիստական գրավիչ հեռանկարի գոյությունը յերաշխիք է անկման, այլասերման տրամադրությունների, իսպառ վերացմանը:

Ի՞նչ է նշանակում դաստիարակել կոմունիստի: Այդ նշանակում է դաստիարակել այնպիսի մարդու, վոր ընդունակ է պայքարելու պրոլետարիատի գործի համար, հաստատ հավատալով նրա իդեալների հաղթանակին: Մեզ պետք են մարդիկ, վորոնք ունենան յերկաթե տոկոսնություն, այսպատե կամք, վորոնք կարողանան պայքարել և կռվել բանվոր դասակարգի դժի համար. կարողանան ամուր պաշտպանել այն, վորոնք իրենց ամբողջ վարքագիծը, վարմունքը չափեն այդ դասակարգային դժի համապատասխան: Մեզ պետք է թուրակամ, անվողնաչար մարդիկ: Նրանք չեն դիմանում դասակարգային կռվին: Նայեցեք Բեդլիմինսկու «կրակոց» («Выстрел») պիեսին: Տեսեք, ինչպես մարդիկ իրենց բարձրությունից լնկնում են չափազանց ցած, վորովհետև չունեն բավականաչափ կամք, տոկոսնություն:

Դաստիարակել կոմունիստ—նշանակում է դաստիարակել կոլեկտիվիստ, ինտերնացիոնալիստ, մարտնչող անասոված:

Ի՞նչ է նշանակում դաստիարակել կոլեկտիվիստ: Կարո՞ղ ես արդյոք մարդը զարգանալ, գերակշռել իր ընդունակությունները կոլեկտիվ կյանքից դուրս: Իհարկե, վոչ: Մարդը զարգանում է հենց կոլեկտիվում, այնտեղ է նա աճում, յերևան բերում իր ընդունակությունները: Մեր սլոյնտարական կոլեկտիվը դաստիարակում է կոլեկտիվիստ—անհատի: Անհատը ինքն իրեն, կոյեկտիվից դուրս անբժռելի յե: Փորձենք առանձնացնել, մեկուսացնել մարդուն նրա զարգացման սկզբնական մոմենտից, տեսեք, թե կարող է նա իր մեջ զարգացնել անահատականություն, թե նա պարզապես կդառնա վայրենի: Կասկած չկա վոր նա կդառնա ամենատվորական կենդանի վայրենի:

Հիշեցեք, թե ինչպես Իլյիչի մահվան օրը ամենքը ձգտում էին դեպի կոլեկտիվ: Վոչ վոք ժողով չէր հայտարարել, վոչ վոք հավաքույթ չէր նշանակել, բայց ամեն վոք շատալում եր ահումբ, ձեռնարկություն, հիմնարկ, փողոց, վորովհետեւ աղբյուրի մոմենտին տանը նստել ինքնրստինքյան անհնար եր: Հետեւաբար կոլեկտիվիզմի հարցը շատ ավելի խոր է, քան այն առանձին տարածայնությունները, վորոնք նկատվում են կոլեկտիվներում նրանց անկազմակերպվածության հետեւանքով:

Դաստիարակել կոլեկտիվիստ—նշանակում է դաստիարակել այնպիսի մարդ, վորը միանպամայն այլ կերպ, նոր ձեւով է վերարբերվում

լրերին, վոչ միայն մարդկանց, վորովհետեւ իրերը չինվում են մարդկանց ձեռքով: Նայած թե մարդը ի՞նչ վերարբերմունք է ցույց տալիս հասարակական գույքին, կարելի յե ասել՝ ինդիվեդուալիստ է նա, թե կոլեկտիվիստ:

Դաստիարակել ինտերնացիոնալիստ: Յերբեմն մեզանում լինում են այնպիսի մանր թեքումներ, յերբ շատ լավ գիտեն, ինչ է կատարվում Չինաստանում, հիանալի կերպով ծանոթ են Գերմանիայի անցուղարձին, գիտեն, թե ինչպես են ապրում Ամերիկայի պիոներները շատ լավ գիտեն, վոր «այնտեղ» ճնշում են նեգրերին,— սակայն մեզանում դեռ չարունակում են լսվել «ժիզ» (ջնոզ), «խոդյա» «խոդի ահանջ» բառերը, իրենց քթի տակ կոլեկտիվում կատարվողը չեն նկատում: Իհարկե ամենեւին չի կարելի փոքրացնել ինտերնացիոնալ լայն կապի նշանակությունը: Սակայն դա չպետք է մոռացնել տա ինտերնացիոնալ դաստիարակության հարցը ավելի «նեղ» իմաստով, այլ ընդհակառակը պետք է չեչտի այդ հարցը, այլապես ինտերնացիոնալ կապը կլինի անբովանդակ:

Դաստիարակել մարտնչող անատմած—նշանակում է դաստիարակել մատերիալիստ, դեպիկտիկ, վորը ընդհանուր վոչինչ չունի վոգիների, անտիապաշտությունների, կախարդության հետ, վորը հասկանում է բնության որենքները և մարդկային հասարակության զարգացման որենքները:

Դաստիարակել կոմունիստ—նշանակում է դաստիարակել հասարակական—ձեռներից մարդ, կապ

մակերպիչ, վորը իր սեփական մասնակցությամբ թե՛ յերեխաներին և թե՛ չափահասներին ներգրավում է հասարակական կյանքի մեջ, նոր տիպի, նոր ֆորմացիայի մարդ, վորը չի կարող անհույսնյնել այս կամ այն հասարակական հարցի, կոլեկտիվին վերաբերող այս կամ այն պրոբլեմի կողքով:

Դաստիարակել կոմունիստ-նշանակում է դաստիարակել բազմակողմանի կրթված, գիտելիքներով զինված, գիտության տեր մարդ՝ կոմունիստական շինարարության համար:

Դաստիարակել կոմունիստ-նշանակում է դաստիարակել Ֆիզիկապես առողջ, ֆիզիկապես ամրակազմ մարդ:

Այսպես ուրեմն, մեզ հարկավոր է լենինյան, պայքարի ուղին գիտակցող, բանվոր դասակարգի պործի մարմնիկ, հաստատակամ, անհաշտ կռիվող պրոլետարիատի իդեոլոգիայի համար, կոլեկտիվիստ ինտերնացիոնալիստ, մարտնչող անաստված, հասարակական ձեռներեցության տեր կադմակերպիչ, պոլիտեխնիկապես դաստիարակված, բազմակողմանի կրթված մարդ, — ահա՛ նոր մարդը, ահա կոմունիստը: Այս հիման վրա պետք է դաստիարակվի մեր պիոները:

Այն պայմանները, վորոնց մեջ դաստիարակվում են պիոներները

Բայց ի՞նչ պայմաններում են դաստիարակվում մեր յերեխաները: Իհարկե, լավ բան է ունենալ իր առաջ պայծառ նպատակ, ունենալ լայն հայացքներ

այն մասին, թե ի՞նչ ենք մենք ուզում դարձնել պիոներներին: Մակայն ի՞նչ պայմաններում են նրանք դաստիարակվում այժմ: Նախ և առաջ, մեր յերեխաները միայն դպրոցում չեն դաստիարակվում, ավելի ճիշտը, վոչ այնքան դպրոցում են դաստիարակվում: Դառնանք նորից բուրժուական մանկավարժության: Բուրժուական մանկավարժությունը սիրում է ասել, վոր դաստիարակությունը կատարվում է միայն դպրոցում թող սոցիալ-դեմոկրատները խարեն բանվորներին, ասելով, թե նրանց յերեխաներից դպրոցում դաստիարակում են «տեղեր», վնաս չունի, իսկ մենք, իսկական տերերս, կասենք վոր բուրժուական ռեյակցիյոն բանվորների յերեխաներին դաստիարակում են միմիայն ստրուկներ-խոնարհ ծառաներ:

Ի՞նչն է այստեղ դադտնիքը: Գադտնիքն այն է, վոր յերեխաները դաստիարակվում են իրենց չրջապատումի ջաղվայրում, իսկ այդ միջավայրը միայն դպրոցը չէ: Վերցնենք մի որինակ մեր չրջապատից: Ձեր սռջեն է մի պլակատ, վորի վրա նկարված է մի մարդ, վեպի հերոսը, մենակությունից սաստիկ տանջված, հուսահատ յերեույթով հրավիրում է ձեզ կինո թատրոն: Այս պլակատը դաստիարակում է, թե վոչ: Իհարկե, դաստիարակում է: Հարցն այն է, թե ինչպե՛ս: Վերցնենք մի կինո-նկար, վորտեղ սպիտակ գվարդիականները դուրս են բերված վորպես հիմարներ, իսկական ապուշներ: Նման նկարը դաստիարակում է, թե վոչ: Դաստիարակում է, միայն վատ է դաստիարակում: Այն յերեխաներին,

վորանց վիճակվելու՝ յե կովել այդ սպիտակների
դեմ, նրանց հետ դեմ-դեմի դալ կովի դաշտում, ա-
սում են, թե սպիտակները ապուշներ են: Յերեսա-
ները պետք է ճանաչեն թշնամու վոչ միայն թուշ-
այլ և ուժեղ կողմերը: Իսկ ի՞նչ է տալիս նման նկա-
րը: Յերեսաները կասեն, յեթե սպիտակները բոլորն
եւ ապուշներ են, ի՞նչ կարիք կա պատրաստվելու,
մենք նրանց փչելով կթուցնենք: Իսկ բնտանեական
կենցաղը, թանր-սեփականատիրական, քաղքենա-
կան կենցաղը, վորի մեջ գանձում են յերեսաները
իրենց ծնած որից: Վերցրեք տնական ներքին կյան-
քը, վորտեղ յուրաքանչյուր տնտեսուհի ունի իր ան-
կյունը, իր պրիմուսը և այդ հողի վրա հարեանների
հետ միշտ կովմներ, վեճեր են ծագում-միթե այդ
բոլորը չե՞ն դաստիարակում: Իհարկե, դաստիարա-
կում են: Իսկ բակում, փողոցում, արամվայում,
բնկերների միջև հաստատված բարքերը, սովորու-
թյունները, այն ամենը, վոր պայմանավորվում է
ուայոնի, շրջանի արտադրական դեմքով, այն ամե-
նը, վոր մենք մի բառով անվանում ենք միջավայր:
Այդ միջավայրումն է դաստիարակվում յերեսան:

Ահա թե ինչո՞ւ, յերբ մենք խոսում ենք դաս-
տիարակության մասին, դաստիարակության կազ-
մակերպման մասին, մենք յերբեք չպետք է սահմա-
նափակվենք դպրոցով, պիտներական կոլեկտիվով և
այլն, այլ պետք է խոսենք ամբողջ միջավայրը
մանկավարժորեն կազմակերպելու մասին:

Մենք մեծամասամբ նկարագրեցինք մեր միջա-
վայրի բացասական կողմերը, վորպեսզի ուշադրու-

թյունը սրենք այդ ուղղությամբ: Սակայն մեր մի-
ջավայրում որսորդներ անում և բազմանում են նոր
ֆակտորներ, վորոնք կոմունիստորեն դաստիարա-
կում են յերեսաներին: Այդ ֆակտորները կվճռեն
հարցը: Միայն թե մենք նրանց քիչ ենք ոգտագոր-
ծում: Պիտներներին դեռ հեռու յեն պահում դործա-
բանից բանվորական մասնայի այդ հսկա դարբնո-
ցից: Մինչդեռ նրանք հիմքում ունենալով ունումնա
դաստիարակչական շաղկամը պետք է մոտ կանգնեն
արտադրական աշխատանքին: Այստեղ է դաս-
տիարակության կոմունիստական սխաեմի բուն
արմատը:

Սակայն վոչ մի բնույթ չպետք է մոռանալ, վոր
չքջապատող միջավայրում կան մեր դասակարգա-
յին թշնամու գործակալները, վորոնք դաստիարա-
կում են մեր դեմ: Դա նախ և առաջ ինքը՝ դասա-
կարգային թշնամին է: Բայց այդ հին սովորու-
թյունները, հին բարքերը, այդ կրոնական կազմա-
կերպությունները, նախկին մարտիկը, իսկ յերբեմն
գիտակից թշնամիները և վնասարարները, — նրանք
անում են իրենց գործը: Յերբեմն դրանք հին ու-
սուցիչներն են: Թշնամիները ուժեղ դիմադրում են:
Այդ դիմադրությունն եւ ավելի յե ուժեղանում ներ-
կայումս՝ անդասակարգ սոցիալիստական 2-րդ
հնգամյակին անցնելու շրջանում: Հինը, կովելով
իր գոյության համար, կովում է նաև յերիտասարդ
կադրերի համար: Սակայն այդ պայքարումն եւ
«ով-ում» հարցը անխուսափելի կերպով կյուծվի
մեր ոգտին:

29-55295



կոմունիստի դաստիարակութեան մեթոդը

Կոմունիստ դաստիարակել հնարավոր է միայն միջավայրի ակտիվ փոփոխման պրոցեսում, պայքարելով այդ միջավայրի կոմունիստականացման համար: Փոխելով միջավայրը՝ փոփոխվում է ինքը՝ մարդը: Վորպես սկզբունք այդ ճիշտ է թե՛ չափահասներին և թե՛ յերեխաներին վերաբերմամբ:

Լենինը 1920 թ. կոմսոմուլի 3-րդ համագումարում արտասանած իր փայլուն, կոմունիստական մանկավարժութեան համար վերին սասիճանի արժեքավոր ճառում ասել է. «Յերիտասարդութեան միութեան խնդիրն է՝ այնպես կազմակերպել իր գործնական աշխատանքը, վոր սովորելով, կազմակերպվելով, համախմբվելով, պայքարելով այդ յերիտասարդութեանը դաստիարակի ինքն իրեն և բոլոր նրանց, վորոնք նրան համարում են առաջնորդ, վորպեսզի նա դաստիարակի կոմունիստները»: Ուշադրութեան դարձրեք հետևյալ խոսքերի վրա. «...սովորելով, կազմակերպվելով, համախմբվելով և պայքարելով...դաստիարակի կոմունիստները»: Նշանակում է, դաստիարակել սովորելով, կազմակերպվելով, պայքարելով, ակտիվ մասնակցելով հասարակական կյանքին:

Մենք, իհարկե, Լենինի հետ միասին դեմ ենք «ուսումնադետներին»: Ճիշտ է մենք գիտենք, վոր առանց հեղափոխական թեորիայի չկա հեղափոխական պրակտիկա, բայց մենք գիտենք նաև, վոր չի կարող լինել հեղափոխական թեորիա, առանց հեղափոխական պրակտիկայի:

Հեղափոխական թեորիան կոմիւնում է հեղափոխական պրակտիկայով, և ահա այդ պրակտիկային պետք է զիմենք մենք:

Նույն միտքն է արտահայտում Բեզիմենսկին իր «կրակոյ» («Выстрел») պիեսում: Այնտեղ կա հետևյալ խոսքերը.

Մեր մեջ հնի մնացորդները դեռ կան: Կա... ուղեկով կյանքն ու աշխարհը, մենք կա... ուղեում ենք և մեզ:

Միթե՞ սա նույն միտքը չէ: Վերակառուցելով միջավայրը, վերափոխելով կյանքն ու աշխարհը, մենք վերափոխում ենք և մեզ:

Սակայն կոնկրետ կերպով ինչպե՞ս պետք է դաստիարակել կուլեկտիվում: Դիմենք նորից Լենինին, նրա նույն ճառին, արտասանված 3-րդ համագումարում: Լենինն այնտեղ ասում է, վաք պետք է սովորել, բայց ինչպե՞ս է նա հասկանում ուսումը: «...«իր ուսման բոլոր խնդիրները դնել այնպես, վոր ամեն ոք ամեն մի գյուղում, ամեն մի քաղաքում յերիտասարդութեանը գործնականորեն չունի բնականուր աշխատանքի այս կամ այն խնդիրը, թող լինի ամենափոքրը, թող լինի ամենաանհայնը»:

Այս սուղին պատասխանն է, լուծել բնդհանուր աշխատանքի այս կամ այն խնդիրը: Նախ, պետք է դաստիարակել «պիոներական՝ լիզվով ասած՝ հասարակական աշխատանքներ կատարելու միջոցով:

Յերկրորդ: «Կոմունիստական բարոյականութեան հիմքը կազմում է կոմունիզմի ամրացման և ավարտման համար մղված պայքարը: Ահա կոմու-

նիստական դաստիարակութեան հիմքը, կրթութեանը և ուսումը»։ Յերկրորդ պատասխանը մեզ ասում է. մշակել կոմունիստական բարոյականութեան, վորէ հիմքը կազմում է կոմունիզմի ամբողջական և ավարտման համար մղված պայքարը։ Յեւ այդ լիովին բավական է, վորպէսզի հնարավոր լինի գործնականորեն կառուցել աշխատանքը կոլեկտիվում, այնտեղ դաստիարակել կոմունիստ։

Կոլեկտիվում կոմունիստի դաստիարակութեան այդ մեթոդը, լենինի հատուկ և պարզորոշ պատասխանների հիման վրա, հիմնականում արտահայտվում է յերկու ուղղութեամբ—հասարակական աշխատանքում և քաղաքական կրթութեան մեջ, այսինքն՝ գործողութեան և գործողութեան գիտակցութեան մեջ։

Հասարակական աշխատանքը—գործողութեանը և գործողութեան գիտակցումը—քաղաքական կրթութեանը սերտորեն կապված են իրար։ Չի կարելի պիտոնք կոլեկտիվում պարկերացնել աշխատանք, այսինքն գործողութեան, առանց այդ գործողութեան գիտակցութեան։ Չի կարելի պատկերացնել և հակառակը, այսինքն՝ հասարակական աշխատանքը աշխատանքի գիտակցումը, առանց նրանից գործնական յեղրակացութեաններ անելու, առանց գիտակցութեանից գործողութեան անցնելու։ Դառի յերկրորդ մասում մենք հնարավորութեան ունենք համառոտ կանգ առնել միայն պիտոնք կոլեկտիվում կատարվող աշխատանքի և քաղաքական կրթութեան (լուսավորութեան) հիմնական գծերի վրա։

ՔԱՂԱՔԱԿԱՆ ԼՈՒՍԱՎՈՐՈՒԹՅՈՒՆԸ ՊԻՈՆԵՐԿՈՒՆԵՐԿՈՒՄ

Քաղաքական լուսավորութեանը չի կարելի կարել կոլեկտիվում կատարվող մնացած աշխատանքից, յերբ մենք խոսում ենք աշխատանքի գիտակցման մասին, առաջարկում ենք հենց քաղաքական լուսավորութեան կազմակերպումը։

Այժմ քննենք քաղաքական լուսավորութեանը դաստիարակութեան կազմակերպման տեսակետից՝ միջավայրի կազմակերպման հիման վրա։

Գլխավորը, վորին մենք պետք է ձգտենք, այդ աշխատանք, վոր նախ կոլեկտիվը դա պիտոնք չենք տարբերող հարցերի պատասխանը։ Ընդգծում ենք նախ։ Մենք պետք է հաստատ հիշենք, վոր քաղաքականութեան մեջ դատարկ տեղեր չկան։ Յեթե մենք պատասխան չտանք հասարակական աշխատանքի մասին յերկուսթին, ապա այդ պարագայ տեղը կլցվի անպայման, յեթե վոչ մեր կողմից, ապա ուրիշների, և հաճախ—դատարկութեան թշնամու կողմից, վորը դատում է իր շահերի ոգտին—ի՞նչու մանուֆակտուրա չկա։ Նախ մենք պետք է պատասխան տանք դրան։ Յեթե մենք պատասխան չտանք, մի կարծիք, վոր յերեւանները կմնան առանց նրան։ Նրանք չգիտեն այդ պատասխանը, և հաճախ վոչ այնտեղ, վորտեղ ճիշտ են ասում։ Ահա դրա համար մենք պետք է ձգտենք, վոր ամեն մի հասարակական աշխատանքում, ամեն մի հասարակական յերե-

վույթի մեջ մենք լինենք առաջին շարքում, ժամանակին ճիշտ ուղղութիւն տանք յերեխաներին: Կոյեկախիլը պետք է ոգնի յերեխաներին պարզելու իրենց միջավայրում նկատվող հակասութիւնները, վերոնց հետ դեմ առ դեմ են գալիս նրանք: Այդ նշանակում է, վոր պետք է դատարարակել աչքի առաջ ունենալով թե՛ դրական և թե՛ բացասական յերեւույթը:

Մեծ հանցանք ենք գործում, յերբ յերեխաներին չենք տանում արտադրական խորհրդակցութիւններին, յերբ կոմյերխական ժողովում, վորտեղ հաշիվ են առլիս հարվածային բրիգադները, պիոներներ չկան, յերբ սոցիալիստական պայմանագրի կնքման ժամանակ պիոներները բացակայում են, յերբ տեղի յեն ունենում կոմյերխական, կուսակցական բազմաթիվ կարեւոր գործեր, պիոներներին մոռանում են: Յեթե վորեւէ կուսակցական կամ կոմյերխական կարող է այդ մոռանալ, ապա կոյվարը յերբեք չպիտի մոռանա: Միջավայրի այդ գրական գործոնները վերին աստիճանի արժեքավոր են մեր դատարարակութեան համար, և մենք պիտի է մաքսիմալ չափով, 100 տոկոսով ոգտագործենք նրանց, աչքից չփախցնենք:

Իսկ ի՞նչպես վարվել բացասական յերեւույթների հետ: Միջավայրի բացասական, վոչ կոմունիստական այն յերեւույթներ, վորոնց մասին խոսում ենք այստեղ, առաջին հայացքից կարծես թե խանգարում են կոմունիստական դատարարակութեանը, նրանք է՛լ խանգարում են և՛ միաժամանակ ոգնում:

Ոգնում են այսպես—պայքարելով բացասական յերեւույթների դեմ յերեխաները կոմիւնիստ են, պայքարելով նրանց դեմ յերեխաները ստանում են ճիշտ գրույթ:

Որինակի համար վերցնենք մանր բաներ—յերեխաների ուշացումը, նրանց վերաբերմունքը ընկերներին հանդեպ,—յեթե խորը մտածենք սրանք մանր բաներ չեն,—վերաբերմունքը դեպի ժողովրդական դուքր և այլն: Այս հարցերը կարելի չեն բուծել տարբեր կերպով: Որինակ, հարցը դնել կոյեկախիլի խորհրդում, հանդիմանութիւն ուղղել, և այլն—սրանք հին ուսուցիչների հին սովորութիւններն են, վորոնցից պետք է հրաժարվել: Մենք պետք է հարցը դնենք սկզբունքային բարձրութեան վրա, վորպէսզի յերեխաները տեսնեն, թե ո՞ւր է տանում այդ:

Ընկերների հետ վարվելու հարցը պետք է կապել կոյեկախիլի դմի հետ, ցույց տալ նրանց եզոյիզմի, ինգրիվիդուալիզմի և մասնավոր սեփականութեան արմատները, ցույց տալ, թե ինչպես վատ վերաբերմունք ունենալով դեպի իր դասակարգին պատկանող ընկերները մարդը որյեկախիլորեն ոգնում է դատարարային թշնամիներին: Կամ թե ուշացումը: Մեր անփութութիւնից, անհոգութիւնից վորքան միջոցներ, ուժեր, եներգիւ յեն կորչում զուր տեղը: Ահա այս տեսակետից կարեւոր դեր են խաղում պիոներական որենքները: Վորոնք շատ հաճախ, զժրախտաբար, մնում են միայն գրքերում: Նրանք կմնան գրքերում այնքան ժամանակ, քանի՛ դեռ յերեխաները այսօր չսովորեն այդ որենքները:

իսկ վաղը կմոռանան: Մինչդեռ պետք է որենքները կապել այս կամ այն գործի, այս կամ այն փաստի հետ: Յեթե այդ որենքները կապվեն կյանքի հետ, ապա նրանք ել դատարկ բառեր չեն լինի:

Յեթե մենք այս հարցերը չդնենք սկզբունքային քարձրության վրա, մենք չենք կարող դաստիարակել աշխարհի մարդու, վորը մեզ պետք է: Կոլվարի բղավոցից բացարձակապես վոչինչ դուրս չի դա: Իսկ պատիժներից մենք, իհարկե, պետք է հրաժարվենք: Անհրաժեշտ է, վոր իրենք յերեխաները հասկանան լավն ու վատը: Այս տեսակետից Լենինը մեզ տվել է չափազանց հստակ մի ձևակերպում: Այն ամենը, վորը ոգուտ է բերում բանվոր դասակարգի գործին, մեր տեսակետից բարոյական է, այն ամենը, վորը ոգուտ չի բերում այդ գործին, — բարոյական չէ: Ինչպես տեսնում եք մենք չափանիշ ունենք, և այդ չափանիշին պետք է հասցնենք յերեխաներին:

Շատ պատասխանատու գործ է մանկությունից դաստիարակելը: Իսկ ընդհանրապես մարդը դաստիարակվում է ամբողջ կյանքի ընթացքում, իրավացի չեն նրանք, վորոնք կարծում են, թե դաստիարակվում են միայն յերեխաները: 60 տարեկան ձերունին ել է դաստիարակվում: Իհարկե, կա տարբերություն: Յերեխաները շատ ավելի, շուտ են փոխվում, նրանք ավելի դալար են և փխրուն, ուստի նրանց հետ պետք է զգուշ վարվել, հատկապես պահպանել: Մարդուն մանկությունից դաստիարակելը ավելի հեշտ է: Լուսաչարսկու աշխատություն-

ներից մեկում կա հետաքրքրական, թեև վոչ բոլորովին ճիշտ մի տեղ: Նա ասում է, վոր մսուրը մանկան կարող է փափուկ կավի նման ձև տալ, հոկաեմբերիկին և դպրոցականին դեռ կարելի չէ ձկել (թեքել), պատանուն յերբեմն պետք է լինում կոտրել, իսկ հետո, ասում է նա — սապատավոր! Նմիայն գերեզմանը կուղղի: Վերջինի վերաբերմամբ նա անշուշտ իրավացի չէ, վորովհետև մեր աչքի առաջ վերադաստիարակվում են դպրոցական մասնակները, բայց և աշխատեալ պետք է ընդունել, վորքան ուշ, աշխատեալ ավելի դժվար է: Մենք պետք է հստականանք, վոր քանի դեռ յերեխաները պիտներենք են, այդ պետք է ոգտագործել նրանց կոմունիստական ունակություններ պատվաստելու համար: Մանկությունից ստացված կոմունիստական սովորությունները կոմունիստական ունակությունները շատ ավելի ուժեղ կարմատանան նրանց մեջ: Ուստի մեր դերը, կոմսոմոլի դերը հատկապես պատասխանատու չէ, մանուկների դաստիարակության գործում:

Սակայն ինչպես պետք է կոնկրետ կերպով դնել քաղաքական յուսավորությունը պիտներիկուկտիվում: Առաջին հարցը — դա թեմայի ընտրությունն է: Այն կոլվարը, վորը կապված չէ յերեխաների ապրած միջավայրի հետ, յերբեք չի կարող գտնել անհրաժեշտ թեմաները և միշտ կկերակրվի միայն հրահանգներով: Կոլվարը պետք է կապված լինի յերեխաների և նրանց ապրած միջավայրի հետ: Յեթե ինքը դուրս է գտնվում այդ միջավայրից, պետք է հատկապես ծանոթանա նրան, զնա, տես-

նի, թե ինչ է կատարվում այդ միջավայրում և այնտեղից նյութեր քաղի: Սրառես կոլվարը կարող է իր շրջանում կատարած մի եքսկուրսիայի ընթացքում նշել մի շարք հետաքրքրաշան թեմաներ: Հետո թերթերը, գրքերը և այլն:

Թեմաների կարևորագույն աղբյուրը յերեխաների հարցերն են: Յեթե յերեխաները սովորեն հարցեր տալ իրենց հետաքրքրող բոլոր թեմաների մասին ապա կոլվարը կարող է վստահ լինել, վոր թեմաներով ապահովված է: Մեր կոլվարը պիտենենք ի հետ խոսում է միայն կոլեկտիվին վերաբերող հարցերի շուրջը, իսկ ի՛նչ է պատահել պիտենների տանը, դպրոցում, ի՛նչ է անում նրա յեղբայրը, ի՛նչ է կարգացել գրքում, ի՛նչ է տեսել կինոյում, — այդ մասին չի խոսում, այնինչ, պետք է ասել, վոր զուտ կոլեկտիվի գործերի տեսակարար կշիռը, այդ բառի նեղ իմաստով, յերեխայի կյանքում այնքան էլ մեծ չէ, վոր ամբողջովին կլանի կոլվարի ուշադրությունը: Ամենևին վոչ: — Յերեխաների հետ պետք է խոսել անխտիր ամեն բանի մասին, վոր վերաբերում է նրանց:

Այստեղ հարց է ծագում: Ինչպես սովորեցնել յերեխաներին հարցեր տալ: Այս այնքան էլ հեշտ դործ չէ, բայց վոչ անհնար: Յեթե դուք մի քանի անգամ ճիշտ պատասխաններ տաք, այնուհետև յերեխաները ինքնաբերաբար կզան ձեզ մոտ: Բայց այստեղ կա մի դժվարություն, վորը հաճախ չփոթեցնում է կոլվարին: Յեթե նա չգիտե հարցի ճիշտ պատասխանը, իսկ այդ բավական հաճախ է պատահում, ապա ի՞նչ պետք է անի: Այստեղ պետք է

դեռ չացնել հետևյալից. պատահում է, վոր նման դեպքերում կոլվարը սկսում է ստել, գլխից դուրս տալ, նյութից հեռացնելու համար: Խնդիրն այն է, վոր յեթե պիտենը իմանա, վոր դուք ստել եք, այն ժամանակ դուք կընկնեք նրա աչքից, կկորցնեք նրա վստահությունը: Կոլվարը սովորաբար աշխատում է զանազան միջոցներ գտնել այդ ծանր դրությունից դուրս գալու համար — մի բան պիտի ասել վերջապես, թե չե յերեխաները կկարծեն, վոր կոլվարը վոչինչ չգիտե: Ուրեմն ի՞նչ պետք անել, ի՞նչ ասել նման դեպքերում: Պետք է ասել. չգիտեմ: Դա կլինի միակ ճիշտ պատասխանը: Պետք է ասել — յես այդ չգիտեմ, բայց վաղը կպատասխանեմ: Վերջիվերջո, հո՛ կոլվարը չի՞ կարող ամեն ինչ իմանալ: Այդ պատասխանը ճիշտ կլինի նաև այն պատճառով, վոր յերեխաները կտեսնեն, թե կոլվարն ասում է միայն իր գիտեցածը, իսկ յերբ չգիտե, ուղղակի ասում է վոր չգիտեմ: Դրանից նրա հեղինակությունը չի ընկնի: Վերջապես այդ վարժեցնում է յերեխաներին ավելի պատասխանատու լինել իրենց պատասխանների, իրենց խոսքերի վերաբերմամբ: Այնպես վոր այդ դժվարություններից կարիք չկա չփոթվելու: Պետք է հաստատ իմանալ վոր յեթե մենք յերեխաներին սովորեցնենք հարցեր տալ նրանց հաջող հարցերի մասին, այն ժամանակ մենք ապահովված կլինենք թեմաներով քաղաքական լուսավորություն համար:

Ուրեմն, ի՞նչ աղբյուրներ կան քաղաքական լուսավորության թեմաներ քաղելու համար: Կոլեկտիվի հասարակական աշխատանքը: Հասարակական

աշխատանքի պրոցեսում ծագում են բազմաթիվ հարակից հարցեր, և այդ թվումը կարող է ծառայել վորպես թեմա: Հետո, թատրոն, կինո, ահումբ հաճախելը, կուսակցության քաղաքական, անտեսական կամ «կուլտուրական» հերթական լողունգը: Այս կամ այն լողունգը, իհարկե, հնարավորութուն է տալիս նախապես նշելու այն թեմաները, վորոնց չուրջը զրույցներ պետք է լինեն յերեխաների հետ և վորոնք հետաքրքրում են պիոներներին: Վերջապես այնպիսի անսպառ և արժեքավոր մի աղբյուր, ինչպես յերեխաների հարցերը, և իհարկե, կուլվարի անձնական դիտողութունները:

Յանկալի յե, վոր կուլվարը թեմաների ցուցակ կազմի և ամեն անգամ վորոչի, թե վո՞ր թեման պետք է առաջ տանել, վո՞րը կարևոր է տվյալ ժամանակ, և հետո մտածի, ինչպե՞ս մշակել թեման և ո՞ւմ հետ:

Պետք է հրաժարվել թեմաները անխտիր բոլոր յերեխաների հետ մշակելու տրադիցիայից: Կարելի յե մշակել առանձին խմբերի հետ, նայած պայմաններին:

Ինչպե՞ս մշակել թեմաները: Այստեղ մենք ունենք մի մեծ ցավ: Սկսում են զրույցով: Հետևյալ թեման—կրկին զրույց: Հետո ելի զրույց: Զրույց զրույցի հետևից: Շատ կուրեկալիներում անչափ զրույցներից յերեխաները սկսեցին աղմկել: Բանը զրույցի մեջ չե: Վատ զրույցը աշխատանքի վատ ձևն է, լավ զրույցը—լավ ձև: Սակայն թող լինի ամենալավ զրույցը, բայց յերբ այդ զրույցը կրկին մտնում և ամեն ոք և վոչ մի նոր ձև չի կիրառում, ապա վոչ վոք չի կարող տանել այդ բանը:

Թվենք աշխատանքի այն ձևերը, վոր կարելի յե նույալիս իրավունքով ոգտագործել, ինչպես ոգտագործվում է զրույցը—եքսկուրսիա, բարձրաձայն ընթերցում, կինո, թատրոն, չափահասների ժողով, պատի թերթ, պլակատ, լողունգներ, խաղ, փորձեր, յերգեր, կենդանի լրագիր, դեմոնստրացիա և կարնավալ: Այսքան ձևերով կարելի յե արդեն բազմազան դարձնել աշխատանքը: Բայց կա մի հարց. յեթե կուլվարը սիրում է թատրոն գնալ, յերեխաներին շարունակ թատրոն կտանի, սակայն բարեբախտաբար, թե դժբախտաբար միշտ տոմսակի փող չի լինում: Բայց զրույցների վերաբերմամբ մենք տեսնում ենք, քանի վոր դա ամենամատչելի յեղանակն է, նրանցով չափից ավելի յեն տարվում և ի հարկ դործ դնում: Մեղանում յերեխաները հաճախ ձանձրանում են այն պատճառով, վոր մենք միևնույն ձևը կիրառում ենք բոլոր դեպքերում, ամեն մի թեմայի վերաբերմամբ:

Սակայն ձևեր գտնելը դեռ չի նշանակում լուծել հարցը: Պետք է կարողանալ լավագույն կերպով կիրառել այդ ձևերը—լավ զրույցը, լավ եքսկուրսիան, լավ ընթերցումը,—ճիշտ և լավ կազմակերպել այդ գործը, ոգտագործել պատի թերթը և այլն: Այս տեսակետից շատ բացեր կան կուլվարների պատրաստման ծրագրերում: Պետք է միջոցներ ձեռք առնել, վորպեսզի այսպես կոչված մասնավոր մեթոդիկաները տեղ ունենան ծրագրերի մեջ: Կուլվարը պետք է տիրապետի աշխատանքի ձևերին և նրանց մեթոդիկային, այդ դժվար չե, մասնավորապես պրակտիկ աշխատանքների համար, վորոնք այսօր

սխալվելով, վաղը կարող են ուղղել իրենց սխալները, սովորել գործնական աշխատանքի ընթացքում:

Կոլվարը չպետք է հույսը դնի միայն իր սեփական ուժերի վրա: Այն կոլվարը, վորը սահմանափակվում է միայն իրանով, չուտով կապուրի իր ուժերը և կձանձրացնի յերեխաներին: Պետք է կոլեկտիվի աշխատանքում ներգրավել չափահաս բանվորներին, կոմյերիտականներին, կուսակցական և պրոֆմիութենական ակտիվը:

Այստեղ լինում են հետևյալ կարգի սխալներ—վերցնում են մի ընկերով և ասում—անց կացրու այսինչ աշխատանքը: Նա գալիս է, անց է կացնում աշխատանքը, բայց անհաջող: Նման գեղաբերում սովորաբար ասում են—նա լավ կոմունիստ է, լավ ինժեներ, բայց յերեխաների համար անպետք է—Վոչ, նա պետքական է, միայն պետք է նախ սովորեցնել նրան ճիշտ մոտենալ յերեխաներին, փոխանակել նրանց հետ փորձը, զրուցել նրանց հետ, իմանալ, ինչի՞ մասին պետք է խոսի, ինչպե՞ս պետք է խոսի, վորքան պետք է խոսի և այլն: Այդ բոլորի մասին պետք է պայմանավորվել և միայն դրանից հետո ուղարկել յերեխաների մոտ: Կարծում ենք, վոչ վոք չի վիրավորվի հարցի նման դրումից:

Սակայն անկախ նրանից, թե կոլվարը ո՞ւմ է ներգրավում կալեկտիվի աշխատանքում, կոլվարի անձնական որինակը հսկայական դեր է խաղում: Կոլվարը իր վարքով, իր անձնական կենցաղի կազմակերպումով—նրա կյանքը տանը, արտագրության մեջ, յերեխաների շրջանում, նրանց բացա-

կայության—միևնույն է, պետք է զգա ինչ վոր լրացուցիչ պատասխանավություն: Նա պատասխանավություն է կրում վոչ միայն կուսակցության կամ կոմյերիտմիության անդամ, այլև վորպես կոլվար:

Վորքան կուզե՞ք ասեք յերեխաներին, վոր հայհոյանք վատ բան է, անցյալի մնացորդ է, բայց յեթե դուք ինքներդ հայհոյում եք, պարզ է, վոր ձեր խոսքը վոչ մի նշանակություն չի ունենա: Նույնը ծխելու մասին: Ազիտացիա յեք մղում ծխելու դեմ, բայց քիչ հետո ինքներդ ծխում եք: Կամ թե կաղմակերպում եք այնպես, վոր տղաները և աղջիկները միասին նստեն, իսկ ինքներդ սեմենարում, կուրսերում կամ կոմյերիտական ժողովներում նստում եք այնպես, վոր «տղերը» և «աղջիկները» ջոկ-ջոկ նստեն: Սրանք չնչին բաներ չեն: Մենք խոսում ենք կանանց իրավահավասարության մասին: Յերբ դուք ավելի եք խոսում իրար հետ, ավելի շատ եք նստում միասին, աշխտում միասին, դրանով իրոք մոտենում եք իրավահավասարության:

Վերջացելուց առաջ պատասխանենք մի հարցի, վոր տարակույս է առաջացնում ընկերներին մեջ, «կկարողանա՞ արդյոք կոլվարը լուծել իր առաջ դրված խնդիրները»: Այս հարցին կարելի յետալ միայն մի պատասխան—«այո՛»: Մենք ունենք յոթը տարվա փորձ: Սովորաբար ասում են հետևյալ պատճառաբանությունները՝ կոլվարներին կրթությունը անբավարար է, յերբեմն յերեխաները յոթը բորդ խմբերից են, իսկ կոլվարը ավարտել է միայն

Հինգերորդի աշին: Բանն այդ չէ պետք և յերեխա-
ներին տալ դասակարգային վորոշակի դրույթ, իսկ
կուլվարը, լինելով կուսակցության, կոմյերիտմիու-
թյան անդամ, կապված լինելով բանվոր դասակար-
գի հետ, ստանալով բայլչեիկյան կոմիւածություն,
այդ ամենը իր հետ բերում և կոլեկտիվ, ահա՛ հիմ-
նականը: Միայն պետք է, վոր կուսակցականները,
կոմյերիտականները ավելի լավ ղեկավարություն և
ոգնություն ցույց տան:

Բայց մյուս կողմից կուլվարը պետք է ամեն
կերպ աշխատի իր քաղաքական պատրաստության
մակարդակը բարձրացնել: Ամեն ոք կարդա թերթե-
րը: Պետք է սովորություն դարձնել թերթ կարդա-
լը: Պետք է սովորել, ուսումնասիրել, խորանալ
յուրջ գրքերի մեջ:

Հետո կուլվարը պետք է զբաղվի մանկական
գրքերի, թերթերի և կուլվարների համար հրատա-
րակվող մեթոդական գրականության ընթերցու-
մով:

Յեւ վերջապես՝ հեռակա ուսուցումը, վորն
այժմ լայն ծավալ է ստանում: Շրջկոմը և շրջանա-
յին բյուրոն այս տեսակետից կարող են տալ ան-
հրաժեշտ տեղեկանքներ: Մանկական շարժման ա-
ռաջ կանգնած խնդիրները պահանջում են ուժեղաց-
նել ուշադրությունը դեպի կուլվարը:

Կոմյերիտմիության դերը նոր սերնդի դաս-
տիարակության գործում այժմ վերին աստիճանի
ուժեղանում է: Պատասխանատվությունը մեծ է:
Կուլվարի դերը, նրա պարտականություններով
միասին, այժմ բարձրանում և աննախընթաց աստի-
ճանի վրա:

